

6. gr.

Eftir lokunartíma sölubúða er óheimilt að selja í lyfjabúðum, brauð- og mjólkurbúðum, á torgum eða götum eða annars staðar utan sölubúða nokkurn þann varning, er ekki má selja án verzlunarleyfis. Heimilt er þó að selja bátum eða skipum eftir lokunartíma veiðarfæri, kol, olíu, vistir og aðrar nauðsynjar, svo og bifreiðum benzín og olíu. Einnig er heimilt að selja langferðamönnum nesti fyrir lokuðum dyrum.

78

7. maí

7. gr.

Lögreglustjóra er heimilt, þegar sérstaklega stendur á, að veita undanþágu frá samþykkt þessari fyrir einstaka daga. Einnig er lögreglustjóra heimilt, að fyrirskipa lokun sölubúða einn dag í einu, eftir áskorun hreppsnefndar.

Hreppsnefnd er einnig heimilt, að veita tóbaks- og sælgætisbúðum undanþágu frá samþykkt þessari, allt eftir nánari reglum, sem hún kann að setja hverjum aðila.

Samþykkt þessi, sem gerð er af hreppsnefnd Stykkishólmshrepps samkv. lögum nr. 17 1. febr. 1936, staðfestist hér með og birtist til eftirbreytni öllum þeim, sem hlut eiga að máli.

Félagsmálaráðuneytið, 7. maí 1955.

F. h. r.

Hjálmar Vilhjálmsson.

Gunnlaugur Þórðarson.

REGLUGERÐ

um breyting á reglugerð nr. 45 11. marz 1946, um vinnutíma starfsmanna ríkisins og ríkisfyrirtækja.

79

20. maí

1. gr.

5. gr. orðist svo:

Skylt er starfsmönnum að vinna yfirvinnu, sem yfirboðarar telja nauðsynlega. Þó er engum starfsmanni, nema, þeim, er gegnir lögreglustörfum, eða annarri öryggisþjónustu, skylt að vinna meiri yfirvinnu í viku hverri en nemur þriðjungu af lögmæltum vikulegum vinnutíma.

Á laun fyrir yfirvinnu, aðra en þá, er ræðir um í 4. gr., skal greitt 50—100% álag, sem ákveða skal með hliðsjón af föstum launum starfsmannsins, miðað við 1800 klst. árlegan vinnutíma.

Yfirvinnutaxtar skulu vera sem hér segir:

- Starfsmenn, er taka laun samkv. XIII.—XV. fl. launalaga: Yfirvinnukaup miðast við hámarkslaun XIV. launaflokks kr. 19 440.00 á ári, kr. 10.80 á klst., auk álags og verðlagsuppbótar.
- Starfsmenn er taka laun samkv. X.—XII. flokki launalaga: Yfirvinnukaup miðast við hámarkslaun XI. launaflokks, kr. 25 920.00 á ári, kr. 14.40 á klst., auk álags og verðlagsuppbótar.
- Starfsmenn, er taka laun samkv. VII.—IX. flokki launalaga: Yfirvinnukaup miðast við hámarkslaun í VIII. launaflokki kr. 32 400.00 á ári, kr. 18.00 á klst., auk álags og verðlagsuppbótar.

Álag verður sem hér segir:

Á eftirvinnu (allt að 4 klst. á dag): 50%.

Á nætur- og helgidagavinnu: 100%.

- 79** Næturvinna telst frá kl. 21—8, en helgidagavinna frá kl. 17 á laugardögum.
 20. maí Yfirvinna skal greidd í einu lagi eftir á fyrir hvern mánuð.
 Heimilt er að víkja frá ofangreindum reglum um yfirvinnu og yfirvinnukaup, þegar sérstaklega stendur á og nauðsyn krefur og skal leita þar um tillagna BSRB.

2. gr.

Reglugerð þessi er sett samkv. lögum nr. 60 1945 um laun starfsmanna ríkisins og öðlast gildi þegar í stað.

Fjármálaráðuneytið, 20. maí 1955.

Eysteinn Jónsson.

Kristján Thorlacius.

- 80**
 25. maí

AUGLÝSING

um breyting á gjaldskrá fyrir Rafveitu Stykkishólms, nr. 148 5. nóv. 1948.

Hreppsnefnd Stykkishólmshepps er heimilt að hækka gjöld samkvæmt gjaldskránni um allt að 100%, þar til annað kann að verða ákveðið.

Gjaldskrárbreyting þessi staðfestist hér með samkvæmt vatnalögum, nr. 15 20. júní 1923, og raforkulögum, nr. 12 2. apríl 1946, til þess að ganga í gildi þegar í stað, og birtist til eftirbreytni öllum þeim, sem hlut eiga að máli.

Atvinnuáráðuneytið, 25. maí 1955.

Steingrímur Steinþórsson.

Dorv. K. Þorsteinsson.

81 MINNISVARÐASJÓÐUR HANNESAR HAFSTEIN

Ársreikningur 1954.

Höfuðstóll:

Eign frá fyrra ári samkvæmt birtum reikningi	kr. 655.99
Aukning samkvæmt eftirfarandi reikningi	— 32.75
	<hr/> Kr. 688.74

Tekjur:

Vextir af sparisjóðsinnstæðu	kr. 32.75
	<hr/> Kr. 32.75

Gjöld:

Lagt við höfuðstól	kr. 32.75
	<hr/> Kr. 32.75

Forsætisráðuneytið, 18. maí 1955.

F. h. r.

Birgir Thorlacius.